

# ՊԵՏՈՒԹՅԱՆ ԿԱՐԻՔՆԵՐԻ ՀԱՄԱՐ ԱՇԽԱՏԱՆՔՆԵՐԻ ԿԱՏԱՐՄԱՆ

## ՊԵՏԱԿԱՆ ԳՆՄԱՆ ՊԱՅՄԱՆԱԳԻՐ

N ՀՀՔԿ-ԳԱՇՁԲ-19/48

ք Երևան

« 21 » 05 2020թ

Հայաստանի Հանրապետության քաղաքաշինության կոմիտեն (այսուհետ՝ Պատվիրատու)՝ ի դեմս կոմիտեի գլխավոր քարտուղար Ա Մկրտչյանի որը գործում է կոմիտեի կանոնադրության հիման վրա (այսուհետ՝ Պատվիրատու), մի կողմից, և <<ԱՐՈՍԱ>> ՍՊԸ-ն (այսուհետ՝ Կատարող), ի դեմս տնօրեն Վ. Աղամյանիի, որը գործում է ընկերության կանոնադրության հիման վրա, մյուս կողմից, (երկուսը միասին՝ այսուհետ՝ Կողմեր) հիմք ընդունելով ՀՀ կառավարության 07.05.2020թ. N 709-Ն որոշումը՝ կնքեցին սույն պայմանագիրը (այսուհետ՝ պայմանագիր) հետևյալի մասին՝

### 1. ՊԱՅՄԱՆԱԳՐԻ ԱՍՈՐԿԱՆ

1.1 Պատվիրատուն հանձնարարում է, իսկ Կատարողը ստանձնում է ՀՀ Գեղարքունիքի մարզի գ. Ն. Գետաշենի թիվ 1 միջնակարգ դպրոցի (նոր մասնաշենքերի) կառուցման նախագծանախահաշվային փաստաթղթերի մշակման աշխատանքների կատարման պարտավորությունը (այսուհետ՝ աշխատանք)՝ համաձայն պայմանագրի անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Աշխատանքը կատարվում է պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

### 2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

#### 2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից կատարվող աշխատանքի ընթացքը և որակը՝ առանց միջամտելու Կատարողի գործունեությանը

2.1.2 Եթե կատարվել է պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող աշխատանք.

ա) Չընդունել աշխատանքը՝ իր հայեցողությամբ սահմանելով անպատշաճ որակի աշխատանքը պայմանագրին համապատասխանող աշխատանքով անհատույց փոխարինման ողջամիտ ժամկետ և պահանջել Կատարողից վճարելու պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը

բ) Հրաժարվել պայմանագիրը կատարելուց և պահանջել վերադարձնելու աշխատանքի համար վճարված գումարը և պահանջել Կատարողից վճարելու պայմանագրի 5.2 կետով նախատեսված տուգանքը

2.1.3 Միակողմանի լուծել պայմանագիրը, եթե Կատարողն էականորեն խախտել է պայմանագիրը. Կատարողի կողմից պայմանագիրը խախտելն էական է համարվում, եթե՝

ա) կատարված աշխատանքը չի համապատասխանում պայմանագրի N 1 հավելվածով սահմանված պահանջներին,

բ) խախտվել է աշխատանքի կատարման ժամկետը.

#### 2.2 Պատվիրատուն պարտավոր է՝

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան կատարված աշխատանքի արդյունքը, իսկ աշխատանքի արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին

2.2.2 Աշխատանքի արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև պայմանագրի 5.5 կետով նախատեսված տույժը:

#### 2.3 Կատարողն իրավունք ունի՝

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից պայմանագրի 4.2 կետում նշված ժամկետի խախտման դեպքում նաև պայմանագրի 5.5 կետով նախատեսված տույժը:

#### 2.4 Կատարողը պարտավոր է՝

2.4.1 Պայմանագրի N 1 հավելվածով սահմանված պայմաններով ապահովել աշխատանքի կատարումը՝ ղեկավարվելով գործող օրենսդրությամբ.

2.4.2 Պայմանագրով նախատեսված դեպքերում վճարել պայմանագրի 5.2 և 5.3 կետերով նախատեսված տույժը և տուգանքը.

2.4.3 Որակավորման և պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

2.4.4 Նախագծային փաստաթղթերի մշակման ժամանակ՝

ա) շինարարական ծրագրի կատարման համար օգտագործվող նյութերի և (կամ) սարքերի ու սարքավորումների տեխնիկական բնութագրերը կազմել «Գնումների մասին» ՀՀ օրենքի 13-րդ հոդվածի պահանջներին համապատասխան,

բ) ներկայացնել կապալի օբյեկտի, դրա առանձին մասերի (կոնստրուկցիաների և այլն) և օգտագործվելիք նյութերի և (կամ) սարքերի ու սարքավորումների երաշխիքային ժամկետներին ներկայացվող նվազագույն պահանջները,

գ) ներկայացնել աշխատանքների առանձին տեսակների կատարման օրացուցային ժամանակացույցը,

դ) պատվիրատուին նախագծային փաստաթղթերը ներկայացնում է հայերեն և ռուսերեն լեզուներով՝ թղթային և էլեկտրոնային տարբերակներով:

### 3. ԱՇԽԱՏԱՆՔԻ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1 Կատարված աշխատանքն ընդունվում է Կողմերի միջև հանձնման-ընդունման արձանագրության ստորագրմամբ: Աշխատանքը Պատվիրատուին հանձնելու փաստը ֆիքսվում է Կողմերի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով աշխատանքի կատարման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ աշխատանքը Պատվիրատուին հանձնելու փաստը ֆիքսող փաստաթուղթը (հավելված N 31), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է [www.procurement.am](http://www.procurement.am) հասցեով գործող կայքի «էլեկտրոնային գնումներ» բաժնում)՝ նաև հանձնման-ընդունման արձանագրությունը (հավելված N 3) Ընդ որում Կատարողը հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին (լրացման կարգը տեղադրված է [www.procurement.am](http://www.procurement.am) հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

3.2 Եթե կատարված աշխատանքը համապատասխանում է պայմանագրի պայմաններին, Պատվիրատուն պայմանագրի 3.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 10 օրացուցային օրվա ընթացքում ստորագրում և էլեկտրոնային գնումների armeps համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

3.3 Եթե կատարված աշխատանքը կամ դրա մի մասը չի համապատասխանում պայմանագրի պայմաններին, ապա Պատվիրատուն չի ստորագրում հանձնման-ընդունման արձանագրությունը և պայմանագրի 3.2 կետում նշված ժամկետում էլեկտրոնային գնումների armeps համակարգի միջոցով Կատարողին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Պատվիրատուն ձեռնարկում է նման իրավիճակի համար պայմանագրով նախատեսված միջոցները և Կատարողի նկատմամբ կիրառում է պայմանագրով նախատեսված պատասխանատվության միջոցներ:

3.4 Եթե պայմանագրի 3.2 կետով սահմանված ժամկետում Պատվիրատուն չի ընդունում կատարված աշխատանքը կամ չի մերժում դրա ընդունումը, ապա կատարված աշխատանքը համարվում է ընդունված և պայմանագրի 3.2 կետով սահմանված վերջնաժամկետին հաջորդող աշխատանքային օրը Պատվիրատուն էլեկտրոնային գնումների համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը:

### 4. ՊԱՅՄԱՆԱԳՐԻ ԳԻՆԸ

4.1 Պայմանագրով Կատարողի կատարման ենթակա աշխատանքի գինը կազմում է **14 000 000 (տասնչորս միլիոն)** ՀՀ դրամ: Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Աշխատանքի կատարման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.1.1 Պայմանագրի գնից՝ մինչև 3 500 000 (երեք միլիոն հինգ հարյուր հազար) ՀՀ դրամի չափով, Պատվիրատուն փոխանցում է Կատարողի բանկային հաշվին՝ որպես կանխավճար՝ բանկային երաշխիքի առկայության դեպքում: Կանխավճարի մարումն իրականացվում է հանձնման-ընդունման արձանագրությունների հիման վրա կատարվող վճարումներից նվազեցումներ (պահումներ) կատարելու ձևով: Ընդ որում մինչև կանխավճարի ամբողջական մարումը, Կատարողին վճարումներ չեն կատարվում:

4.2 Պատվիրատուն կատարված աշխատանքի դիմաց վճարում է ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով Դրամական միջոցների փոխանցումը կատարվում է հանձման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված չափերով և ամիսներին Եթե արձանագրությունը կազմվում է տվյալ ամսվա 20-ից հետո և այդ ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև տվյալ տարվա դեկտեմբերի 30-ը՝

## 5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում աշխատանքի կատարման՝ պայմանագրի պահանջների պահպանման համար

5.2 Պայմանագրի N 1 հավելվածում նշված տեխնիկական բնութագրին չհամապատասխանող աշխատանք կատարելու յուրաքանչյուր դեպքում Կատարողից գանձվում է տուգանք՝ պայմանագրի 4.1 կետում նախատեսված գումարի 1 (մեկ) տոկոսի չափով Ընդ որում տուգանքը հաշվարկվում է նաև աշխատանքը պայմանագրով սահմանված ժամկետում կատարելու, սակայն պատվիրատուի կողմից այդ չընդունվելու դեպքում:

5.3 Պայմանագրով նախատեսված աշխատանքի կատարման ժամկետը խախտելու դեպքում Կատարողից յուրաքանչյուր ուշացված աշխատանքային օրվա համար գանձվում է տույժ՝ կատարման ենթակա, սակայն չկատարված աշխատանքի գնի 0,1 (զրո ամբողջ մեկ տասնորդական) տոկոսի չափով:

5.4 Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են աշխատանքը կատարելու արդյունքում Կատարողին վճարման ենթակա գումարների հետ:

5.4.1 Շինարարական աշխատանքների կատարման ընթացքում նախագծային շեղումներ առաջանալու դեպքում նախագծողը պատվիրատուին վճարում է տուգանք՝ յուրաքանչյուր արձանագրված շեղման հետևանքով առաջացած կորստի չափով՝ Ընդ որում՝

ա շեղում է համարվում աշխատանքների կատարման ընթացքում սկզբնական նախագծի տասը տոկոսը գերազանցող լրացուցիչ ծավալի աշխատանքների ի հայտ գալը, իսկ տուգանքի չափը հավասար է լրացուցիչ ծավալի աշխատանքների արժեքի քսանհինգ տոկոսին:

բ կորուստ են համարվում նախագծային այնպիսի շեղումները, որոնք հանգեցնում են փաստացի կատարված աշխատանքների փոփոխմանը (քանդման, վերակառուցման և այլն) և լրացուցիչ աշխատանքների կատարմանը, իսկ տուգանքի չափը հավասար է կորստի հանգեցրած՝ փաստացի կատարված աշխատանքների արժեքի հիսուն տոկոսին:

5.5 Պատվիրատուի կողմից պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,1 (զրո ամբողջ մեկ տասնորդական) տոկոսի չափով:

5.6 Պայմանագրով չնախատեսված դեպքերում Կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:


5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց

## 6. ԱՆՀԱՂԹԱՀԱՐԵԼԻ ՈՒԺԻ ԱՋԴԵՑՈՒԹՅՈՒՆ (ՖՈՐՍ-ՄԱԺՈՐ)

Պայմանագրով և պայմանագրի հիման վրա կնքված Համաձայնագրերով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով պարտավորությունների կատարումը Եթե արտակարգ ուժի ազդեցությունը շարունակվում է 3 (երեք) ամսից ավելի, ապա Կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

## 7. ԱՅԼ ՊԱՅՄԱՆՆԵՐ

7.1 Պայմանագիրն ուժի մեջ է մտնում Կողմերի ստորագրման պահից և գործում է մինչև Կողմերի պայմանագրով ստանձնած պարտավորությունների ողջ ծավալով կատարումը



Պայմանագրով նախատեսված Կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը

7.2 Պայմանագրից ծագած՝ կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց Կողմերի գրավոր և կնիքով հաստատված համաձայնության Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով պայմանագիրը լուծվել է:

7.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում

7.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը

Արգելվում է պայմանագրում կատարել այնպիսի փոփոխություններ, որոնք հանգեցնում են գնվող աշխատանքի ծավալների կամ ձեռք բերվող աշխատանքի միավորի գնի կամ պայմանագրի գնի արհեստական փոփոխման

Պայմանագրի Կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

7.6 Աշխատանքի կատարման ժամկետը կարող է երկարաձգվել մինչև պայմանագրով այդ ժամկետը լրանալը՝ Կատարողի առաջարկության առկայության դեպքում՝ պայմանով, որ Պատվիրատուի մոտ չի վերացել աշխատանքի օգտագործման պահանջը, իսկ Կատարողի առաջարկությունը ներկայացվել է ոչ ուշ, քան պայմանագրով ի սկզբանե աշխատանքների կատարման համար սահմանված ժամկետը լրանալուց առնվազն 5 օրացուցային օր առաջ Ընդ որում սույն կետով սահմանված դեպքում աշխատանքի կատարման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան պայմանագրով սահմանված ժամկետն է:

7.7 Պայմանագրի պատշաճ կատարման պայմաններում Կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են

Պայմանագրի Կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը

7.8 Պայմանագիրը չի կարող փոփոխվել Կողմերի պարտավորությունների մասնակի չկատարման հետևանքով կամ ամբողջությամբ լուծվել Կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով աշխատանքի կատարման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի Կողմերի՝ պարտավորությունների մասնակի չկատարման կամ ամբողջությամբ լուծման Կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով աշխատանքի կատարման համար անհրաժեշտ ֆինանսական հատկացումների նվազեցումը

7.9 Կատարողի կողմից ստանձնված պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է [www.procurement.am](http://www.procurement.am) հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրն ամբողջությամբ կամ մասնակի միակողմանի լուծելու

մասին ծանուցումը տեղեկագրում հրապարակվելու օրը Պատվիրատուն այն ուղարկվում է նաև Կատարողի էլեկտրոնային փոստին

7.10 Պայմանագրի կապակցությամբ ծագած վեճերը լուծվում են բանակցությունների միջոցով Համաձայնություն ձեռք չբերելու դեպքում վեճերը լուծվում են ՀՀ դատարաններում:

7.11 Պայմանագիրը կազմված է 5 էջից, կնքվում է երկու օրինակից, որոնք ունեն հավասարազոր իրավաբանական ուժ: Պայմանագրի N 1, N 1.1, N 2, N 3 և N 3.1 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ

7.12 Պայմանագրի նկատմամբ կիրառվում է Հայաստանի Հանրապետության իրավունքը

**8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ԱՏՈՐԱԳՐՈՒԹՅՈՒՆՆԵՐԸ**

**ՊԱՏՎԻՐԱՏՈՒ՝**

ՀՀ քաղաքաշինության կոմիտե  
ք Երևան, Հանրապետության հրապարակ  
կառավարական տուն 3  
ՀՀ ֆինանսների նախարարության  
աշխատակազմի գործարնական վարչություն

**ԿԱՏԱՐՈՂ՝**

«ԱՐՈՍԱ» ՍՊԸ  
ք Երևան, Կ Ուլնեցու 31/4  
«Հայէկոնոմբանկ» ՓԲԸ  
Հ/Հ 163078301542  
ՀՎՀՀ 00803381



Տնօրեն՝

*[Signature]*  
Վ Աղամյան  
(ստորագրություն)



*[Handwritten signatures]*

111 1/1

**ՏԵՆՆԻԿԱԿԱՆ ԲՆՈՒԹԱԳԻՐ - ԳՆՄԱՆ ԺԱՄԱՆԱԿԱՑՈՒՅՑ\***

**ՀՀ Գեղարքունիքի մարզի գ. Ն. Գետաշենի թիվ 1 միջնակարգ դպրոցի (նոր մասնաշենքերի) կառուցման նախագծանախահաշվային փաստաթղթերի մշակման աշխատանքների**

ՀՀ դրամ

Աշխատանքի								
հրավերով նախատեսված չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	տեխնիկական բնութագիրը	չափման միավորը	միավոր գինը/ՀՀ դրամ	ընդհանուր գինը/ՀՀ դրամ	ընդհանուր քանակը	կատարման	
							հասցեն	Ժամկետը
1	71241200/93		ՀՀ դրամ	14 000 000	14 000 000	1	ՀՀ Գեղարքունիքի մարզ	Պայմանագիրն ուժի մեջ մտնելու օրվանից 119 օրացուցային օր՝ համաձայն աշխատանքների կատարման օրացուցային գրաֆիկի (Հավելված N 11)

**Տեխնիկական բնութագիրը**

<p>Օբյեկտի համառոտ նկարագիրը (փաստացի վիճակը), տեղակայման վայրը</p>	<p>Դպրոցը տեղակայված է ՀՀ Գեղարքունիքի մարզի գյուղ Ներջին Գետաշենում Դպրոցը կառուցվել 1969 թվականին Դպրոց հաճախող աշակերտների փաստացի թիվը շուրջ 900 Դպրոցը գերծանաբեռնված է, աշխատում է երկհերթ գրաֆիկով Հողամասի մակերեսը 1.07 /հա/ Ներկայումս դպրոցը բաղկացած է 3 հիմնական մասնաշենքերից, որից՝</p> <ol style="list-style-type: none"> <li>1. <b>Գոյություն ունեցող ուսումնական եռահարկ մասնաշենք շուրջ 1700 քմ մակերեսով, հատակագծում ուղղանկյունաձև 13.5x50.0մ ընդհանուր եզրաչափերով, 50-40սմ հաստ պատերով,</b> հիմքերը ժապավենային, լանջավոր տանիքով, արտաքին ջրահեռացմամբ</li> <li>2. <b>Գոյություն ունեցող միահարկ սպորտային և հանդիսությունների դահլիճների մասնաշենք շուրջ 500քմ մակերեսով, հատակագծում ուղղանկյունաձև, 17.0x32.0մ եզրաչափերով, 50-40սմ հաստ պատերով,</b> հիմքերը ժապավենային, լանջավոր տանիքով.</li> <li>3. ՀՀ մարզպետարանի պատվիրատվությամբ 2018թվականից նոր կառուցվող երկհարկանի ուսումնական մասնաշենք շուրջ 1700 0քմ մակերեսով (ընթանում են հիմնակմախքի (վերջին հարկի ծածկի և տանիքի) կառուցման ավարտական աշխատանքները)՝ 260աշ/տեղով</li> </ol> <p>Ըստ ակնադիտական ուսումնասիրության՝ գոյություն ունեցող մասնաշենքերը ունեն ֆիզիկական և բարոյական մշակվածության բարձր աստիճան և չեն համապատասխանում նորմատիվ պահանջներին. ենթակա են կազմաքանդման Վերջիններիս վերակառուցումը գնահատվում է , որպես ոչ նպատակահարմար ու անարդյունավետ գործընթաց</p> <p>Գնահատելով համայնքի իրական կարիքը և հաշվի առնելով ՀՀ կրթության, գիտության, մշակույթի և սպորտի նախարարության հետ խնդրի քննարկման արդյունքները՝ առաջարկվել է</p>
---	---

11/01/2020 15:00

	<p>4 Նախատեսել դպրոցական համալիր միահերթ գրաֆիկով (22 11 2019թ թիվ 02/07 1/2733-2019թ գր )` մինչև 900աշ. /տեղ ընդհանուր հզորությամբ</p> <p>5 Գոյություն ունեցող ուսումնական եռահարկ և միահարկ սպորտային և հանդիսությունների դահլիճների մասնաշենքերը կազմաքանդել և փոխարենը կառուցել եռահարկ նոր ուսումնական ու միահարկ մարզադահլիճային մասնաշենքեր՝ արդի նորմատիվ պահանջներին համապատասխան</p>
<p>Կատարման ենթակա (նախատեսվող) աշխատանքների համառոտ բնութագիրը</p>	<p><b>Նախատեսվում է</b></p> <ul style="list-style-type: none"> <li>- ուսումնասիրել համալիրի տարածքը և ձեռք բերել ինժեներաերկաբանական հետազննության եզրակացություն.</li> <li>- ձեռք բերել գոյություն ունեցող մասնաշենքերի տեխնիկական վիճակի ուսումնասիրության նոր եզրակացություններ /կոնստրուկցիաներում բացումների, ամրանների և բետոնի ամրության լաբորատոր գործիքային հետազոտությունների միջոցով/. ինչպես նաև իրականացնել գեոդեզիական աշխատանքներ.</li> <li>- ձեռքբերված եզրակացության արդյունքներով և գոյություն ունեցող շենքային վնասվածության և/կամ ֆիզիկական մաշվածության տվյալների հիման վրա ներկայացնել վերլուծական նյութեր ծախսերի խոշորացված հաշվարկների՝ այլընտրանքային լուծումների (կազմաքանդման, վերակառուցման կամ նորի կառուցման նպատակահարմարության) համադրման և նախատեսվող աշխատանքների հիմնավորման համար.</li> <li>- մշակել նոր կառուցվող մասնաշենքերի արդի ծավալահատակագծային և կոնստրուկտիվ համակարգի լուծումներ (հիմքեր, պատեր, ծածկեր, բացվածքներ, տանիք)</li> <li>- նախագծով նախատեսել ներքին ինժեներական ենթակառուցվածքների /սառը և տաք ջրամատակարարման, կոյուղու, ջեռուցման, էլեկտրամատակարարման, գազամատակարարման, օդափոխության և օդորակման, հակահրդեհային ազդանշանման, հրդեհաշիջման, տեսահսկման, կապի, ջրահեռացման/ համակարգերի կառուցում. մասնաշենքի արդիական ներքին հարդարում.</li> <li>- նախագծով նախատեսել մասնաշենքի (-երի) համալրում հենաշարժային համակարգի խախտումներ և հաշմանդամություն ունեցող անձանց մատչելի տեղաշարժն ապահովող անհրաժեշտ նախագծային լուծումներով և սարք-սարքավորումներով (թեքահարթակներ, առանձնացված սանհանգույցներ, բազրիքներ, լրացուցիչ լուսավորություն, ըստ անհրաժեշտության (եթե շենքը նախագծվելու է երկու և ավելի հարկայնությամբ) վերհան սարքեր կամ վերելակ (համապատասխան նորմատիվ փաստաթղթերով նախատեսվող այլ միջոցառումներ).</li> <li>- նախագծով նախատեսել տարածքի բարեկարգում, կանաչապատում և լուսավորություն. արտաքին խաղահրապարակի կառուցում, ըստ անհրաժեշտության կառուցել-վերակառուցել արտաքին հաղորդակցուղիներ (եթե մասնագիտական եզրակացությամբ դրանք ենթակա կլինեն վերակառուցման կամ ապամոնտաժման) և այլն (բաշխիչ կայաններ, ենթակայաններ, գազամատակարարման, ջրամատակարարման, կոյուղու, ջրահեռացման ապահովման սարքեր-սարքավորումներ) և տեխնիկական պայմանների՝ ծրագրի շրջանակներում անհրաժեշտ տարածքի ընդգրկումով</li> <li>- համայնքին բնորոշ բնակլիմայական պայմանների հաշվառմամբ՝ նախատեսել այլընտրանքային էներգիայի օգտագործման հնարավոր միջոցներ (արևային ջրատաքացուցիչներ և ֆոտովոլտային պանելներ)՝ օբյեկտում տաք ջրամատակարարում և էլեկտրամատակարարում ապահովելու համար (առանձին նախահաշվով)</li> <li>- նախագծման ընթացիկ աշխատանքները աշխատանքային կարգով համաձայնեցնել պատվիրատուի հետ՝ միաժամանակ ապահովելով նորմատիվ պարտադիր պահանջները և օգտագործելով արդի մոտեցումներ</li> </ul> <p><b>Նախատեսվում է մշակել նախագծանախահաշվային փաստաթղթեր՝ հետևյալ կազմով.</b></p> <ul style="list-style-type: none"> <li>• Գոյություն ունեցող բոլոր մասնաշենքերի քանդման աշխատանքների նախագիծ</li> <li>• Նոր ուսումնական եռահարկ մասնաշենքի կառուցման նախագիծ, նախատեսված</li> </ul>

	<p>նվազագույնը <b>648 աշակերտի համար</b>, շուրջ 5000քմ մակերեսով</p> <ul style="list-style-type: none"> <li>• Նոր մարզադահլիճային միահարկ մասնաշենքի (այդ թվում օժանդակ մակերեսների) կառուցման նախագիծ՝ 18x24մ մարզադահլիճի հատակագծային չափերով, նոր ուսումնական մ/շ կից</li> <li>• Բաց մարզահրապարակի կառուցման նախագիծ</li> <li>• Նոր կաթայատան կառուցման նախագիծ՝ դպրոցի մասնաշենքերը ջեռուցման համակարգով ապահովելու համար</li> <li>• Ջրի ռեզերվուար</li> <li>• Այլ ենթակառուցվածքներ՝ ըստ անհրաժեշտության և տեխնիկական պայմանների</li> </ul>
<p>Նախագծման հիմնավորում և նորմատիվային պահանջներ</p>	<p><b>Հիմնավորում՝</b></p> <p>ՀՀ 2019 թվականի պետական բյուջե</p> <p><b>Նախագծման համար հիմք հանդիսացող փաստաթղթեր՝ ելակետային տվյալներ</b></p> <ul style="list-style-type: none"> <li>- ճարտարապետահատակագծային առաջադրանք (-ներ) և տեխնիկական պայմաններ,</li> <li>- շենքերի և շինությունների համար ձեռք բերված տեխնիկական վիճակի մասին եզրակացությունները</li> <li>- արտաքին հաղորդակցուղիների տեխնիկական վիճակի եզրակացություն</li> <li>- ինժեներաերկրաբանական հետազննության եզրակացություն(-ներ),</li> <li>- նախագծային առաջադրանք (կազմվում է ընտրված նախագծողի և Պատվիրատուի համատեղ մասնակցությամբ և հաստատմամբ),</li> <li>- հանույթ,</li> <li>- չափագրություններ,</li> <li>- ոլորտային (շահագրգիռ) մարմինների եզրակացություններ՝ եթե այդպիսիք անհրաժեշտ են (շրջակա միջավայր, մշակույթ)</li> </ul> <p><b>Նախագծի մշակում ըստ նորմատիվային պահանջների՝</b></p> <ul style="list-style-type: none"> <li>- ՀՀ կառավարության 19 03 2015թ թիվ 596-Ն որ. ՀՀ կառուցապատման նպատակով թույլտվությունների և այլ փաստաթղթերի տրամադրման կարգը հաստատելու և ՀՀ կառավարության մի շարք որոշումներ ուժը կորցրած ճանաչելու մասին&gt;.</li> <li>- ՀՀ քաղաքաշինության նախարարի 09 04 2014 թվականի ՀՀՀՆ 31-03 01-2014 «Հանրակրթական նշանակության շենքեր» շինարարական նորմերը հաստատելու մասին N 103-Ն հրաման</li> <li>- ՀՀ քաղաքաշինության նախարարի 14 10 2014 թվականի ՀՀՀՆ 30-01-2014 &lt;Քաղաքաշինություն Քաղաքային և գյուղական բնակավայրերի հատակագծում և կառուցապատում&gt; շինարարական նորմերը հաստատելու և Հայաստանի Հանրապետության քաղաքաշինության նախարարի 2001 թվականի հոկտեմբերի 1-ի N82 հրամանում փոփոխություն կատարելու մասին&gt; N263-Ն հրաման,</li> <li>- ՀՀ կառավարության 13 12 2007թ ՀՀ պետական կառավարչական հիմնարկների տիրապետմանը, տնօրինմանն ու օգտագործմանը հանձնվող, ինչպես նաև պետական ոչ առևտրային կազմակերպություններին անհատույց օգտագործման իրավունքով ամրացվող տարածքների հաշվարկման նվազագույն նորմատիվները հաստատելու և ՀՀ կառավարության 14 06.2001թ N 532 և 03 05 2001թ որոշումներն ուժը կորցրած ճանաչելու մասին&gt; թիվ 1490-Ն որոշում.</li> <li>- ՀՀՀՆ 20-06-2014 &lt;Շենքերի և կառուցվածքների վերակառուցում, վերականգնում և ուժեղացում Հիմնական դրույթներ&gt; Շինարարական նորմերը հաստատելու և ՀՀ քաղաքաշինության նախարարի 01 10 2001թ N 82 հրամանում փոփոխություն կատարելու մասին&gt;, ՀՀ քաղաքային նախարարի 24 03 2014թ թիվ 87-Ն հրաման,</li> <li>- ՄՆԻՊ 2 08 02-89 &lt;Հասարակական շենքեր և շինություններ (այդ թվում &lt;Актуализированная редакция&gt;).</li> <li>- ՀՀ ԿԱ քաղաքաշինության պետական կոմիտեի նախագահի 05 04 2018թ &lt;Բնակչության սակավաշարժ խմբերի և հաշմանդամություն ունեցող անձանց համար շենքերի և շինությունների մատչելիության ապահովման նախագծման կանոնների հավաքածուին հավանություն տալու մասին&gt; թիվ 43-Ա հրաման,</li> <li>- ՀՀ առողջապահության նախարարի 28 03 2017 թվականի &lt;Հանրակրթական ծրագրեր</li> </ul>

	<p>իրականացնող ուսումնական հաստատություններին ներկայացվող պահանջներ&gt; N 2 2 4-016 17 սանիտարական կանոնները և նորմերը հաստատելու և &lt;&lt; առողջապահության նախարարի 2002 թվականի փետրվարի 11-ի N 82 հրամանն ուժը կորցրած ճանաչելու մասին&gt; N 12-Ն հրաման.</p> <ul style="list-style-type: none"> <li>- &lt;&lt; կառավարության 16 02 2006թ թիվ 392-Ն որ &lt;&lt;աշմանդամների և բնակչության սակավաշարժուն խմբերի համար սոցիալական, տրանսպորտային և ինժեներական ենթակառուցվածքների մատչելիության ապահովման կարգը հաստատելու մասին&gt;.</li> <li>- &lt;&lt; քաղաքաշինության նախարարի հրաման 24 03 2016թ N49-Ն' &lt;&lt;&lt; պետական հանրակրթական դպրոցների սեյսմիկ անվտանգության բարելավման 2015-2030 թթ ծրագրի շրջանակներում իրականացվող դպրոցական շենքերի ուժեղացման և նորի կառուցման համար &lt;&lt;-ում գործող շինարարական նորմերով թույլատրելի առավել բարձր պահանջներ և պայմաններ կիրառելու մասին&gt;</li> <li>- &lt;&lt; քաղաքաշինության նախարարի 03 02 2006թ թիվ 24 Ն հրաման' &lt;&lt;&lt;Ն II-6 02-2006 &lt;Սեյսմակայուն շինարարության նախագծման նորմեր&gt;.</li> <li>- &lt;Պատմության և մշակույթի հուշարձանների ու պատմական միջավայրի պահպանության և օգտագործման մասին&gt; &lt;&lt; օրենք.</li> <li>- &lt;O-110-Ն 21 06 2014թ &lt;Շրջակա միջավայրի վրա ազդեցության գնահատման և փորձաքննության մասին&gt; &lt;&lt; օրենք.</li> <li>- &lt;&lt; կառավարության 04 05 2017թ &lt;Գնումների գործընթացի կազմակերպման կարգը հաստատելու և &lt;&lt; կառավարության 10 02 2011թ թիվ 168-Ն որոշումը ուժը կորցրած ճանաչելու մասին&gt; թիվ 526-Ն որոշման Կարգի 33-րդ կետի 10-րդ ենթակետի պահանջներ</li> <li>- &lt;&lt; կառավարության 25 12 2014թ թիվ 1504-Ն որ &lt;Պետական միջոցների հաշվին կառուցվող (վերակառուցվող, նորոգվող) օբյեկտներում էներգախնայողության և էներգաարդյունավետության բարձրացմանն ուղղված միջոցառումների կիրառման մասին&gt;</li> </ul>
Նախագծման փուլերը	<p><b>Նախագծանախահաշվային փաստաթղթերի կազմը և բովանդակությունը սահմանող կանոնների ապահովում</b> &lt;&lt; քաղաքաշինության նախարարի 11 09 2017թ N128-Ն հրամանի համաձայն</p> <p>Նախագծային աշխատանքների իրականացում «Աշխատանքային Նախագիծ» 1 (մեկ) փուլով</p>
Նախագծի կազմը	<p><b>«ԱՇԽԱՏԱՆՔԱՅԻՆ ՆԱԽԱԳԻԾ»</b></p> <p><b>Նախագծի լրակազմում ընդգրկվող (մշակվող) փաստաթղթեր</b></p> <ol style="list-style-type: none"> <li>1. Ընդհանուր բացատրագիր</li> <li>2. Հողամասի հատակագծային կազմակերպման ուրվագիծ (կամ հողամասի գլխավոր հատակագիծ)</li> <li>3. Ծարտարապետաշինարարական մաս       <ul style="list-style-type: none"> <li>- Ծավալախատակագծային լուծումներ, մասնագրեր և հանգույցներ /այդ թվում սենքերի կահավորման հատակագիծ/</li> <li>- Եռաչափ մոդելավորում</li> </ul> </li> <li>4. Կոնստրուկտիվ մաս       <ul style="list-style-type: none"> <li>- Կոնստրուկտիվ լուծումներ,</li> <li>- կոնստրուկտորական հաշվարկների հաշվետվություն</li> </ul> </li> <li>5. Ինժեներական (ներքին և արտաքին) լուծումներ (գծագրական և տեքստային նյութեր՝ այդ թվում մասնագրեր)       <ul style="list-style-type: none"> <li>- էլեկտրամատակարարման, կոյուղու, ջրամատակարարման, օդափոխության և օդորակման, ջեռուցման, գազամատակարարման համակարգեր, կապի ցանցեր, տեսահսկում, հակահրդեհային ազդանշանում, հրդեհաշիջում և այլն.</li> <li>- Ինժեներական մասերի հզորությունների հաշվարկների հաշվետվություն</li> </ul> </li> <li>6. Շինմոնտաժային աշխատանքների նախահաշիվ</li> <li>7. Շինարարության կազմակերպման նախագիծ</li> </ol>

- 8. Շրջակա միջավայրի պահպանմանն ուղղված միջոցառումներ
- 9. Հաշմանդամների համար մատչելիության ապահովմանն ուղղված միջոցառումներ
- 10. Էներգախնայողության և էներգաարդյունավետությանն ուղղված միջոցառումներ
- 11. Այլ փաստաթղթեր, որոնք նախատեսված են ՀՀ օրենսդրությամբ, այդ թվում՝ քաղաքացիական պաշտպանության ու արտակարգ իրավիճակների կանխարգելման միջոցառումներ (ինժեներատեխնիկական անվտանգություն, վտանգավոր արդյունաբերական օբյեկտների անվտանգության միջոցառումներ, ՀՀ օրենսդրությամբ նախատեսված այլ միջոցառումներ

**Համաձայնեցումներ**

Նախագծի համաձայնեցում

- 1. Համայնքի ղեկավարի,
- 2 ՀՀ քաղաքաշինության, տեխնիկական և հրդեհային անվտանգության տեսչական մարմնի,
- 3. ՀՀ քաղաքաշինության կոմիտեի,
- 4. ՀՀ առողջապահության և աշխատանքի տեսչական մարմնի,
- 5. Ըստ անհրաժեշտության (համայնքի ղեկավարի կողմից տրամադրվող ճարտարապետահատակագծային առաջադրանքի և տարածքի գլխավոր հատակագծով սահմանված պահանջների, տեխնիկատնտեսական հիմնավորման, ինչպես նաև հնարավոր ազդեցության ենթակա տարածքի շրջակա միջավայրի, բնական պայմանների, ռեսուրսների ու դրանց օգտագործման նկարագրի արկայությամբ)՝ ՀՀ շրջակա միջավայրի նախարարության,
- 6. Ոլորտի գլխավոր կարգադրիչ՝ ՀՀ կրթության, գիտության, մշակույթի և սպորտի նախարարության հետ

Այլ պահանջներ

Եզրակացություններ

Նախագծանախահաշվային փաստաթղթերի մշակման աշխատանքների համար հատկացված ֆինանսական միջոցների շրջանակներում

- 1. **Նախագծողի կողմից** ինժեներատեխնիկական հետազննության եզրակացությունների և տեխնիկական պայմանների ձեռքբերում, ընդ որում ինժեներատեխնիկական ուսումնասիրությունները պետք է իրականացվեն հորատման միջոցով՝ համաձայն գործող կարգերի և գրուտների լաբորատոր փորձարկման միջոցով
- 2. **Նախագծողի կողմից** Գոյություն ունեցող ուսումնական մասնաշենքերի և արտաքին հաղորդակցուղիների համակարգերի տեխնիկական վիճակի ուսումնասիրության եզրակացության ձեռքբերում, և նախագծային լուծումների ընտրության տեխնիկատնտեսական հիմնավորում

**Փորձաքննություններ**

Որպես բարձր դիսկալնության (IV կատեգորիայի) դասակարգում ունեցող օբյեկտ

- քաղաքաշինական (պարզ) փորձաքննության եզրակացության ձեռքբերում՝ **Պատվիրատուի կողմից,**
- պետական համալիր փորձաքննության ապահովում՝ **Պատվիրատուի (ՀՀ քաղաքաշինության կոմիտեի) նախաձեռնությամբ, որոշմամբ,**
- շրջակա միջավայրի վրա ազդեցությունների փորձաքննություն /համաձայն ՀՀ օրենսդրության/ ըստ անհրաժեշտության

**Շինարարական նյութերի, պատրաստվածքների (շահագործման) նկատմամբ պահանջներ**

- նյութերի, պատրաստվածքների շահագործման առավելագույն ժամկետ
- նորագույն տեխնոլոգիաների կիրառմամբ արտադրված նյութերի, պատրաստվածքների ցանկ
- էներգաարդյունավետություն ապահովող միջոցառումների, սարքավորումների և

նյութերի ցանկ  
Նախագծում օգտագործվող շինարարական նյութերի, պատրաստվածքների հատկանիշների մանրամասն և սպառիչ նկարագրում-բնութագրում նախագծի մասնագրերում և նախահաշվում նշելով տվյալ ապրանքը բնութագրող հիմնական տեխնիկական ցուցանիշները

**ԱՌԱՋԱՐԿՈՒԹՅՈՒՆՆԵՐ**

Տեղական արտադրության և Հայաստան ներմուծվող շինանյութերի օգտագործում

**ԱՇԽԱՏԱՆՔԱՅԻՆ ՆԱԽԱԳԾԻ ԼՐԱԿԱԶՄ**

Նախագծանախահաշվային փաստաթղթերի մշակում համակարգչային ծրագրով  
Նախագծանախահաշվային փաստաթղթերի /տեքստային և գծագրական նյութերի, նախահաշվի/ ամբողջական փաթեթի ներկայացում 6 օրինակ՝ փաստաթղթային և էլեկտրոնային՝ AUTO CAD և PDF, նախահաշիվը՝ EXCEL տարբերակներով, երկլեզու՝ հայերեն և ռուսերեն

**ԱՇԽԱՏԱՆՔՆԵՐԻ ԿԱՏԱՐՄԱՆ ԺԱՄԿԵՏ (ՏԵՎՈՂՈՒԹՅՈՒՆ)**

Աշխատանքների կատարման ժամանակահատվածը նախատեսել պայմանագիրն ուժի մեջ մտնելու օրվանից՝ 119 օրացուցային օր՝ ըստ կից ներկայացված օրացուցային գրաֆիկի (Հավելված N 11). ներառյալ քաղաքաշինական փորձաքննության դրական եզրակացության ձեռքբերումը, որից հետո ՆՆՓ-ն Պատվիրատուի նախաձեռնությամբ կներկայացվի պետական համալիր փորձաքննության.

**ՆԱԽԱԳԾԻ ԼՐԱՄՇԱԿՈՒՄ**

Ըստ անհրաժեշտության (եթե համալիր (այդ թվում պարզ) փորձաքննության արդյունքներով տրվել է եզրակացություն, հետևյալ ձևակերպմամբ «Նախագիծը վերադարձվում է լրամշակման»), նախագծանախահաշվային փաստաթղթերի լրամշակումն իրականացվում է առանց ֆինանսական փոխհատուցման՝ առավելագույնը 10-օրյա ժամկետում


**ԿԱՏԱՐՎԱԾ ԱՇԽԱՏԱՆՔՆԵՐԻ ՖԻՆԱՆՍԱԿԱՆ ԱՊԱՀՈՎՈՒՄ**

Նախագծային աշխատանքների ֆինանսավորումը կկատարվի քաղաքաշինական պարզ և համալիր փորձաքննության դրական գրավոր եզրակացությունները, ինչպես նաև շահագրգիռ մարմինների գրավոր համաձայնեցումները սահմանված կարգով ձեռք բերելուց հետո՝ մեկշաբաթյա ժամկետում, բայց ոչ ուշ, քան պայմանագրի ավարտման ժամկետը

**ՊԱՏՎԻՐԱՏՈՒ՝**

«Քաղաքաշինության կոմիտե  
ք Երևան, Հանրապետության հրապարակ  
կառավարական տուն 3  
«Ֆինանսների նախարարության  
աշխատակազմի գործառնական վարչություն  
Հ/Կ 900011019164


Գլխավոր քարտուղար




**ԿԱՏԱՐՈՂ՝**

«ԱՐՈՍԱ» ՍՊԸ  
ք Երևան, Կ Ուլնեցու 31/4  
«Հայէկոնոմբանկ» ՓԲԸ  
Հ/Կ 163078301542  
ՀՎՀՀ 00803381

Տնօրեն՝

  
Վ Արամյան  
(ստորագրություն)



Օրացուցային գրաֆիկ

ՀՀ Գեղարքունիքի մարզի գ. Ն. Գետաշենի թիվ 1 միջնակարգ դպրոցի (նոր մասնաշենքերի) կառուցման նախագծանախահաշվային փաստաթղթերի մշակման աշխատանքների

Հ հ	ՆՆՓ մշակման աշխատանքի գործընթացները և փուլերը	Շաբաթների քանակը (ընդամենը 119 օրացուցային օր)																
		1	2	3	4	5	6	7	8	9	10	11	12	13	14	15	16	17
1	Ելակետային նյութերի հավաքագրում	■	■	■														
2	Հողատարածքների գեոդեզիական աշխատանքների իրականացում և հանույթների պատրաստում	■	■															
3	Նախագծման առաջադրանքի հիման վրա շենքերի ծավալահատակագծային մանրամասն լուծումների իրականացում և համաձայնեցում պատվիրատուի հետ, այդ թվում շինությունների եռաչափ մոդելավորումը			■	■	■	■	■										
4	Համաձայնեցված հատակագծային լուծումների հիման վրա ՃՀԱ ստանալու դիմումի համար անհրաժեշտ ԷՍՔԻՉԱՅԻՆ առաջարկի նյութերի լրակազմի պատրաստում՝ ներառյալ էլեկտրամատակարարման, ջրամատակարարման, գազամատակարարման, հրդեհաշիջման և կոյուղու հաշվարկային հզորությունների տրամադրում						■	■	■									
5	Անհրաժեշտության դեպքում ստացված ՃՀԱ ին ճարտարապետաշինարարական լուծումների համապատասխանեցում										■	■						
6	Ներքին ինժեներական ենթակառուցվածքների նախագծային լուծումների մշակում և համաձայնեցում պատվիրատուի հետ									■	■	■	■	■				
7	Արտաքին ինժեներական ենթակառուցվածքների մշակում ստացված տեխնիկական պայմանների հիման վրա և համաձայնեցում պատվիրատուի հետ										■	■	■	■				



Հավելված N 2  
 « 21 » 05 2020թ կնքված  
 N ՀՀԲԿ-ԳՀԱՇՁԲ-19/48 պայմանագրի

**ՎՃԱՐՄԱՆ ԺԱՄԱՆԱԿԱՑՈՒՅՑ\***

**ՀՀ Գեղարքունիքի մարզի գ. Ն. Գետաշենի թիվ 1 միջնակարգ դպրոցի (նոր մասնաշենքերի) կառուցման նախագծանախահաշվային փաստաթղթերի մշակման աշխատանքների**

ՀՀ դրամ

Աշխատանքի																
հրավերով նախատեսված չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	անվանումը	դիմաց վճարումները նախատեսվում է իրականացնել 2020թ-ին՝ ըստ ամիսների, այդ թվում՝													
			հունվար	փետրվար	մարտ	Նվեմբ	դեկտ	հունիս	հուլիս	օգոստոս	սեպտեմբեր	հոկտեմբեր	նոյեմբեր	դեկտեմբեր	Ընդամենը	
1	71241200/93	ՀՀ Գեղարքունիքի մարզի գ. Ն. Գետաշենի թիվ 1 միջնակարգ դպրոցի (նոր մասնաշենքերի) կառուցման նախագծանախահաշվային փաստաթղթերի մշակման աշխատանքներ							14 000 000	14 000 000	14 000 000	14 000 000	14 000 000	14 000 000	14 000 000	14 000 000

\* Վճարման ենթակա գումարները ներկայացվում են ածողական կարգով

**ՊԱՏՎԻՐԱՏՈՒ՝**

ՀՀ քաղաքաշինության կոմիտե  
 ք Երևան, Հանրապետության հրապարակ  
 կառավարական տուն 3  
 ՀՀ ֆինանսների նախարարության  
 աշխատակազմի գործառնական վարչություն

ՀՀ 900011019164  
 ՀՀ ՀՀ 02565827  
 Գլխավոր/թարրուղար  
 Ա Ալիտյան  
 (ստորագրություն)

**ԿԱՏԱՐՈՂ՝**

«ԱՐՈՍԱ» ՍՊԸ  
 ք Երևան, Կ Ուլնեցու 31/4  
 «Հայէկոնոմբանկ» ՓԲԸ  
 Հ/Հ 163078301542  
 ՀՎՀՀ 00803381

Տնօրեն՝  
 Ա Աղամյան  
 (ստորագրություն)  
 4 Տ

*[Handwritten signature]*

Պայմանագրի կողմ

Պատվիրատու

\_\_\_\_\_

\_\_\_\_\_

գտնվելու վայրը \_\_\_\_\_

հհ \_\_\_\_\_

հվհհ \_\_\_\_\_

\_\_\_\_\_

\_\_\_\_\_

գտնվելու վայրը \_\_\_\_\_

հհ \_\_\_\_\_

հվհհ \_\_\_\_\_

**ԱՐՁԱՆԱԳՐՈՒԹՅՈՒՆ N**  
**ՊԱՅՄԱՆԱԳՐԻ ԿԱՄ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ**  
**ՀԱՆՁՆՄԱՆ-ԸՆԴՈՒՆՄԱՆ**

«    » «    » 20 թ

Պայմանագրի /այսուհետ՝ Պայմանագիր/ անվանումը՝

Պայմանագրի կնքման ամսաթիվը՝ «    » «    » 20 թ

Պայմանագրի համարը՝ \_\_\_\_\_

Պատվիրատուն և Պայմանագրի կողմը՝ հիմք ընդունելով պայմանագրի կատարման վերաբերյալ «    » «    » 20 թ. դուրս գրված N    հաշիվ ապրանքագիրը. կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը կատարել է հետևյալ աշխատանքները՝

N	անվանումը	տեխնիկական բնութագրի համառոտ շարադրանքը	Կատարված աշխատանքների				Վճարման ենթակա գումարը /հազար դրամ/	Վճարման ժամկետը /ըստ վճարման ժամանակացույցի/
			քանակական ցուցանիշը		կատարման ժամկետը			
			ըստ պայմանագրով հաստատված գնման ժամանակացույցի	փաստացի	ըստ պայմանագրով հաստատված գնման ժամանակացույցի	փաստացի		

Սույն արձանագրության երկկողմ հաստատման համար հիմք հանդիսացած հաշիվ ապրանքագիրը և դրական եզրակացությունը հանդիսանում են սույն արձանագրության բաղկացուցիչ մասը և կցվում են

Աշխատանքը հանձնեց

Աշխատանքը ընդունեց

\_\_\_\_\_

ստորագրություն

\_\_\_\_\_

ազգանուն, անուն

Կ Տ.

\_\_\_\_\_

ստորագրություն

\_\_\_\_\_

ազգանուն անուն

Կ Տ

**ԱԿՏ N**

պայմանագրի արդյունքը Պատվիրատուին հանձնելու փաստը ֆիքսելու վերաբերյալ

Սույնով արձանագրվում է, որ \_\_\_\_\_ -ի (այսուհետ՝ Պատվիրատու) և \_\_\_\_\_-ի  
Պատվիրատուի անունը Կատարողի անունը  
 (այսուհետ՝ Կատարող) միջև 20 թ \_\_\_\_\_ -ին կնքված N \_\_\_\_\_  
պայմանագրի կնքման ամսաթիվը պայմանագրի համարը  
 գնման պայմանագրի շրջանակներում Կատարողը 20 թ \_\_\_\_\_-ին հանձնման-ընդունման  
 նպատակով Պատվիրատուին հանձնեց ստորև նշված աշխատանքները

Աշխատանքի		
անվանումը	չափման միավորը	քանակը (փաստացի)

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ

**ԿՈՂՄԵՐԸ**

**Հանձնեց**

\_\_\_\_\_  
 ազգանուն անուն  
 \_\_\_\_\_  
 ստորագրություն

**Ընդունեց**

հայտը նախագծած ներկայացուցիչ՝

\_\_\_\_\_  
 ազգանուն, անուն  
 \_\_\_\_\_  
 ստորագրություն



«ՀԱՅԷԿՈՆՈՄԲԱՆԿ» ԲԲԸ  
 «ԽՈՐՀՐԴԱՅԻՆ» ՄԱՍՆԱՃՅՈՒՂ  
 Հասցե՝ ՀՀ, ք. Երևան, 0056,  
 Լանսեմի փող. 14/15  
 Հեռ.՝ +37410 631-500  
 Տեղեկատու՝ 86-86  
 Էլ. փոստ.՝ khordayin@aeb.am  
 www.aeb.am

ARMECONOMBANK OJSC  
 KHORHRDAYIN BRANCH  
 Nanseni str.14/15, 0056, Yerevan,  
 Republic of Armenia  
 Tel.: +37410 631-500  
 Call Center: +3741 08000-8686  
 E-mail.: khordayin@aeb.am  
 www.aeb.am

16307-08/29

25.12.2019թ.

Բենեֆիցիար՝

**ՀՀ ՔԱՂԱՔԱՇԻՆՈՒԹՅԱՆ ԿՈՄԻՏԵ**

**ԵՐԱՇԽԻՔ N Ե-07/19/0002**

(որակավորման ապահովում)

1. Սույն երաշխիքը (այսուհետ՝ երաշխիք) հանդիսանում է **ՀՀ ՔԱՂԱՔԱՇԻՆՈՒԹՅԱՆ ԿՈՄԻՏԵԻ** (այսուհետ՝ բենեֆիցիար) կողմից **ՀՀՔԿ-ԳՀԱՇՁԲ-19/48** ծածկագրով կազմակերպված կազմակերպված գնման ընթացակարգի արդյունքում **«ԱՐՈՍԱ» ՍՊԸ-Ի** (այսուհետ՝ պրիցիպալ) կողմից կնքվելիք **N ՀՀՔԿ-ԳՀԱՇՁԲ-19/48** պայմանագրով նախատեսված պարտավորությունների կատարման համար անհրաժեշտ որակավորման ապահովում (այսուհետ՝ երաշխավորված պարտավորություններ):

2. Երաշխիքով **«ՀԱՅԷԿՈՆՈՄԲԱՆԿ» ԲԲԸ «ԽՈՐՀՐԴԱՅԻՆ» ՄԱՍՆԱՃՅՈՒՂՆ** (այսուհետ՝ երաշխիք տվող անձ) անվերապահորեն պարտավորվում է բենեֆիցիարի՝ սույն երաշխիքով սահմանված կարգով և ժամկետում ներկայացված պահանջով (այսուհետ՝ պահանջ) բենեֆիցիարին վճարել **14.000.000 (տասանչորս միլիոն) ՀՀ դրամ** (այսուհետ՝ երաշխիքի գումար)՝ պահանջն ստանալուց տասը աշխատանքային օրվա ընթացքում: Վճարումը կատարվում է բենեֆիցիարի **900008000664** հաշվեհամարին փոխանցման միջոցով:

3. Սույն երաշխիքն անհետկանչելի է:

4. Սույն երաշխիքից բխող բենեֆիցիարի՝ երաշխիքի գումարի վճարումը պահանջելու իրավունքը կարող է փոխանցվել այլ անձի երաշխիք տվող անձի գրավոր համաձայնության դեպքում:

5. Երաշխիքը գործում է բենեֆիցիարի և պրիցիպալի միջև **N ՀՀՔԿ-ԳՀԱՇՁԲ-19/48** ծածկագրով կնքված պայմանագիրն ուժի մեջ մտնելու օրվանից մինչև բենեֆիցիարի կողմից պայմանագրի կատարման արդյունքը ամբողջական ընդունվելու օրվան հաջորդող քսաներորդ աշխատանքային օրը ներառյալ՝ 22.05.2020թ-ը ներառյալ:

6. Բենեֆիցիարը պահանջը ներկայացնում է երաշխիք տվող անձին գրավոր ձևով: Պահանջին կից ներկայացվում են հետևյալ փաստաթղթերը՝

1) **N ՀՀՔԿ-ԳՀԱՇՁԲ-19/48** ծածկագրով կնքված պայմանագրի, ներառյալ նաև դրանում կատարված փոփոխությունների, լրացուցիչ համաձայնագրերի պատճենները:

2) բենեֆիցիարի կողմից պայմանագիրը միակողմանի լուծելու մասին [www.procurement.am](http://www.procurement.am) հասցեով գործող տեղեկագրում հրապարակված ծանուցումը:

3) սույն երաշխիքը:

7. Երաշխիք տվող անձը բենեֆիցիարի կողմից ներկայացված պահանջը և կից փաստաթղթերը ստանալու հետո առավելագույնը հինգ աշխատանքային օրվա ընթացքում քննարկում է ներկայացված պահանջը և կից փաստաթղթերը՝ սույն երաշխիքի պայմաններին դրանց համապատասխանությունը պարզելու համար:

8. Երաշխիք տվող անձը մերժում է բենեֆիցիարի պահանջը, եթե՝

1) պահանջը կամ կից փաստաթղթերը չեն համապատասխանում սույն երաշխիքի պայմաններին:

2) պահանջը ներկայացվել է երաշխիքով սահմանված ժամկետի ավարտից հետո:

9. Երաշխիք տվող անձը պահանջը մերժելու մասին որոշում ընդունելու դեպքում անհապաղ, բայց ոչ ուշ, քան նույն աշխատանքային օրը, մերժման մասին տեղեկացնում է բենեֆիցիարին:

10. Սույն երաշխիքի նկատմամբ կիրառվում են Հայաստանի Հանրապետության քաղաքացիական օրենսգրքի համապատասխան դրույթները:


11. Սույն երաշխիքի կապակցությամբ ծագող վեճերը ենթակա են լուծման Հայաստանի Հանրապետության օրենսդրությամբ սահմանված կարգով:

Կառավարչի ժ/պ՝

Սպասարկման բաժնի պետ՝

Տ. Ղրմաջյան

Ս. Թումանյան





«ՀԱՅԵԿՈՆՈՄԲԱՆԿ» ԲԲԸ  
«ԽՈՐՀՐԴԱՅԻՆ» ՄԱՍՆԱՃՅՈՒՂ  
Հասցե՝ ՀՀ, ք. Երևան, 0056,  
Նամսենի փող. 14/15  
Հեռ.՝ +37410 631-500  
Տեղեկատու՝ 86-86  
Էլ. փոստ՝ khordayin@aeb.am  
www.aeb.am

ARMECONOMBANK OJSC  
KHORHRDAYIN BRANCH  
Nanseni str 14/15 0056 Yerevan,  
Republic of Armenia  
Tel՝ +37410 631-500  
Call Center +3741 08000-8686  
E-mail khordayin@aeb.am  
www.aeb.am

16307-37/10-72


20.05.2020թ.

**Բենեֆիցիար՝  
«ՀԱՂԱՔԱՇԻՆՈՒԹՅԱՆ ԿՈՄԻՏԵ»**

Սույնով տեղեկացնում ենք, որ 25.12.2019թ. «ՀԱՅԵԿՈՆՈՄԲԱՆԿ» ԲԲԸ «ԽՈՐՀՐԴԱՅԻՆ» ՄԱՍՆԱՃՅՈՒՂ-ի կողմից տրամադրված 14.000.000 (տասնչորս միլիոն) ՀՀ դրամ գումարով թիվ N 16307-08/29 երաշխիքի նամակի գործողության ժամկետը երկարաձգվում է մինչև 18.11.2020 թվականը ներառյալ:

Երաշխիքի մնացած պայմանները մնում են անփոփոխ:

Կառավարիչ՝



Ա. Հակոբյան

Սպասարկման բաժնի պետ՝

L. Հովհաննիսյան



«ՀԱՅԷԿՈՆՈՄԲԱՆԿ» ԲԲԸ  
 «ԽՈՐՀՐԴԱՅԻՆ» ՄԱՍՆԱԾՅՈՒՂ  
 Հասցե՝ ՀՀ, ք. Երևան, 0056,  
 Նանսենի փող. 14/15  
 Հեռ.՝ +37410 631-500  
 Տեղեկատու՝ 86-86  
 Էլ. փոստ՝ khordayin@aeb.am  
 www.aeb.am

ARMECONOMBANK OJSC  
 KHORHRDAYIN BRANCH  
 Nansen str.14/15, 0056, Yerevan  
 Republic of Armenia  
 Tel.. +37410 631-500  
 Call Center: +3741 08000-8686  
 E-mail . khordayin@aeb.am  
 www.aeb.am

16307-08/30

25.12.2019թ.

Բենեֆիցիար՝

ՀՀ ՔԱՂԱՔԱՇԻՆՈՒԹՅԱՆ ԿՈՄԻՏԵ

**ԵՐԱՇԽԻՔ N Ե-07/19/0003**

(պայմանագրի ապահովում)

1. Սույն երաշխիքը (այսուհետ՝ երաշխիք) հանդիսանում է **ՀՀ ՔԱՂԱՔԱՇԻՆՈՒԹՅԱՆ ԿՈՄԻՏԵԻ** (այսուհետ՝ բենեֆիցիար) և **«ԱՐՈՍԱ» ՍՊԸ-ի** միջև կնքվելիք N **ՀՀՔԿ-ԳՀԱՇՁԲ-19/48** պայմանագրից բխող պրինցիպալի պարտավորությունների (այսուհետ՝ երաշխավորված պարտավորություններ) կատարման ապահովում:

2. Երաշխիքով **«ՀԱՅԷԿՈՆՈՄԲԱՆԿ» ԲԲԸ «ԽՈՐՀՐԴԱՅԻՆ» ՄԱՍՆԱԾՅՈՒՂ** (այսուհետ՝ երաշխիք տվող անձ) անվերապահորեն պարտավորվում է բենեֆիցիարի՝ սույն երաշխիքով սահմանված կարգով և ժամկետում ներկայացված պահանջով (այսուհետ՝ պահանջ) բենեֆիցիարին վճարել **1.400.000 (մեկ միլիոն չորս հարյուր հազար) ՀՀ դրամ** (այսուհետ՝ երաշխիքի գումար)՝ պահանջն ստանալուց տասը աշխատանքային օրվա ընթացքում: Վճարումը կատարվում է բենեֆիցիարի **900008000664** հաշվեհամարին փոխանցման միջոցով:

3. Սույն երաշխիքն անհետկանչելի է:

4. Սույն երաշխիքից բխող բենեֆիցիարի՝ երաշխիքի գումարի վճարումը պահանջելու իրավունքը կարող է փոխանցվել այլ անձի երաշխիք տվող անձի գրավոր համաձայնության դեպքում:

5. Երաշխիքը գործում է բենեֆիցիարի և պրինցիպալի միջև կնքված N **ՀՀՔԿ-ԳՀԱՇՁԲ-19/48** պայմանագրին ուժի մեջ մտնելու օրվանից մինչև պրինցիպալի կողմից ստանձնված պարտավորությունների ամբողջական կատարման վերջին օրվան հաջորդող քսաներորդ աշխատանքային օրը ներառյալ՝ 22.05.2020թ-ը ներառյալ:

6. Բենեֆիցիարը պահանջը ներկայացնում է երաշխիք տվող անձին գրավոր ձևով: Պահանջին կից ներկայացվում են հետևյալ փաստաթղթերը՝

1) N **ՀՀՔԿ-ԳՀԱՇՁԲ-19/48** պայմանագրի, ներառյալ նաև դրանում կատարված կատարված փոփոխությունների, լրացուցիչ համաձայնագրերի պատճենները:

2) բենեֆիցիարի կողմից պայմանագիրը միակողմանի լուծելու մասին [www.procurement.am](http://www.procurement.am) հասցեով գործող տեղեկագրում հրապարակված ծանուցումը:

3) սույն երաշխիքը:

7. Երաշխիք տվող անձը բենեֆիցիարի կողմից ներկայացված պահանջը և կից փաստաթղթերը ստանալու հետո առավելագույնը հինգ աշխատանքային օրվա ընթացքում քննարկում է ներկայացված պահանջը և կից փաստաթղթերը՝ սույն երաշխիքի պայմաններին դրանց համապատասխանությունը պարզելու համար:

8. Երաշխիք տվող անձը մերժում է բենեֆիցիարի պահանջը, եթե՝

1) պահանջը կամ կից փաստաթղթերը չեն համապատասխանում սույն երաշխիքի պայմաններին:

2) պահանջը ներկայացվել է երաշխիքով սահմանված ժամկետի ավարտից հետո:

9. Երաշխիք տվող անձը պահանջը մերժելու մասին որոշում ընդունելու դեպքում անհապաղ, բայց ոչ ուշ, քան նույն աշխատանքային օրը, մերժման մասին տեղեկացնում է բենեֆիցիարին:

10. Սույն երաշխիքի նկատմամբ կիրառվում են Հայաստանի Հանրապետության քաղաքացիական օրենսգրքի համապատասխան դրույթները:


11. Սույն երաշխիքի կապակցությամբ ծախսող մեծությունը կազմում է լուծման Հայաստանի Հանրապետության օրենսդրությամբ սահմանված կարգով:

Կառավարչի ժ/պ՝

S. Դրմաջյան

Սպասարկման բաժնի պետ՝

Ս. Թումանյան





«ՀԱՅԷԿՈՆՈՄԲԱՆԿ» ԲԲԸ  
«ԽՈՐՀՐԴԱՅԻՆ» ՄԱՍՆԱՃՅՈՒՂ  
Հասցե՝ ՀՀ, ք Երևան, 0056,  
Նանսենի փող 14/15  
Հեռ.՝ +37410 631-500  
Տեղեկատու՝ 86-86  
Էլ. փոստ՝ khordayin@aeb.am  
www.aeb.am

ARMECONOMBANK OJSC  
KHORHRDAYIN BRANCH  
Nanseni str 14/15, 0056, Yerevan,  
Republic of Armenia  
Tel.. +37410 631-500  
Call Center +3741 0800-8686  
E-mail khordayin@aeb.am  
www.aeb.am

16307-37/10-73

20.05.2020թ.

Բենեֆիցիար՝  
**«ՀԱՅԱՔԱՇԻՆՈՒԹՅԱՆ ԿՈՄԻՏԵ**

Սույնով տեղեկացնում ենք, որ 25.12.2019թ. «ՀԱՅԷԿՈՆՈՄԲԱՆԿ» ԲԲԸ «ԽՈՐՀՐԴԱՅԻՆ» ՄԱՍՆԱՃՅՈՒՂ-ի կողմից տրամադրված 1.400.000 (մեկ միլիոն չորս հարյուր հազար) ՀՀ դրամ գումարով թիվ N 16307-08/30 երաշխիքի նամակի գործողության ժամկետը երկարաձգվում է մինչև 18.11.2020 թվականը ներառյալ:

Երաշխիքի մնացած պայմանները մնում են անփոփոխ:

Կառավարիչ՝



Ա. Հակոբյան

Սպասարկման բաժնի պետ՝

Լ. Հովհաննիսյան